



Bosnia and Herzegovina
Federation of Bosnia and Herzegovina
CANTON SARAJEVO
Ministry of Internal Affairs

Broj: 01-14-4-6521-3
Sarajevo, 13.12.2019. godine

Na osnovu člana 21. stav (3). tačka c). Zakona o unutrašnjim poslovima Kantona Sarajevo ("Službene novine Kantona Sarajevo", broj 1/16) i čl. 14. i 70. Zakona o javnim nabavkama BiH („Službeni glasnik Bosne i Hercegovine”, broj 39/14) - u daljem tekstu: ZJN i preporuke Komisije za javne nabavke Ministarstva unutrašnjih poslova Kantona Sarajevo za 2019. godinu, imenovane Rješenjem broj 05-1-14-4-1920 od 28.03.2019. godine i izmjenom Rješenja broj 05-1-14-4-1920-1 od 12.04.2019. godine u postupku javne nabavke „nabavka motornog vozila za potrebe Ministarstva unutrašnjih poslova Kantona Sarajevo“, ministar unutrašnjih poslova Kantona Sarajevo, **d o n o s i**

ODLUKU

o izboru ponuđača za nabavku motornog vozila za potrebe Ministarstva unutrašnjih poslova Kantona Sarajevo

I

Na osnovu Odluke broj 01-14-4-6521 od 21.11.2019. godine i Obavještenja o nabavci broj 1364-7-1-67-3-48/19 od 28.11.2019. godine, proveden je konkurentski zahtjev za dostavu ponuda u postupku nabavke motornog vozila za potrebe Ministarstva unutrašnjih poslova Kantona Sarajevo.

Komisija je shodno Zakonu o javnim nabavkama BiH, primjenjujući kriterij "najniža cijena", dala preporuku da se donese Odluka o dodjeli ugovora ponuđaču „Porsche Inter Auto BH“ d.o.o. Sarajevo na iznos od 29.956,00 KM sa PDV- om.

II

Po okončanju roka za žalbu, ugovorni organ će pozvati izabranog ponuđača radi zaključivanja ugovora o javnoj nabavci, kojim će se regulisati međusobna prava i obaveze.

III

Ova odluka stupa na snagu danom donošenja.



Obrazloženje

Na osnovu Odluke broj 01-14-4-6521 od 21.11.2019. godine i Obavještenja o nabavci broj 1364-7-1-67-3-48/19 od 28.11.2019. godine, proveden je konkurentski zahtjev za dostavu ponuda u postupku nabavke motornog vozila za potrebe Ministarstva unutrašnjih poslova Kantona Sarajevo. Javno otvaranje ponuda izvršeno je dana 09.12.2019. godine u 12 sati na kojem nije bio niti jedan ovlašteni predstavnik. Provjeravani su način uvezivanja ponude, odnosno primjena propisane forme dostavljenih dokumenata i validnost ponuda, o čemu je sačinjen Zapisnik o otvaranju ponuda i dostavljen svim ponuđačima u zakonskom roku.

Dostavljena je ponuda ponuđača "Porsche Inter auto BH" d.o.o. Sarajevo.

Pregledom i analizom dostavljene ponude, Komisija je utvrdila da je postupku nabavke postavljeno jedno pitanje od strane ponuđača "Porsche Inter Auto BH" d.o.o. Sarajevo, na koje je odgovoreno u predviđenom roku, a dokumentaciju je preuzelo 11 ponuđača.

Komisija je izvršila provjeru kvalifikacija ponuđača, u skladu sa minimalnim zahtjevanim kvalifikacionim uslovima koje ponuđači treba da ispunjavaju.

Provjeravani su način uvezivanja ponude, primjena propisane forme dostavljenih dokumenata, validnost ponude, njen potpis i ovjera, te je izvršen pregled i provjera garancija, obrazaca kao i drugih dokumenata i konstatovano je da dostavljena ponuda ispunjava sve uslove predviđene tenderskom dokumentacijom i da je formalno-pravno ispravna i kvalifikovana.

E-aukcija se nije zakazivala iz razloga što je prispjela samo jedna ponuda.

Shodno utvrđenom činjeničnom stanju i kriteriju za dodjelu ugovora „najniža cijena“, a u skladu sa čl. 65. i 70. Zakona o javnim nabavkama BiH („Sl.glasnik BiH“ broj 39/14), Komisija jednoglasno daje preporuku ministru MUP-a KS da donese odluku o dodjeli ugovora u postupku javne nabavke motornog vozila za potrebe Ministarstva unutrašnjih poslova Kantona Sarajevo ponuđaču "Porsche Inter Auto BH" d.o.o. Sarajevo u iznosu od 29.956,00 KM sa PDV-om.

Cijeneći naprijed navedeno riješeno je kao u dispozitivu.

POUKA O PRAVNOM LIJEKU:

Protiv ove odluke dopuštena je žalba koja se podnosi Ugovornom organu u roku od 10 (deset) dana od dana prijema Obavijesti, a u skladu sa članom 99. Zakona o javnim nabavkama BiH.



DOSTAVITI:

1. Ponuđaču,
2. Upravi podrške,
3. Komisiji,
4. Kabinetu ministra - stručni savjetnik za odnose s javnošću i
5. a/a.



web: <http://mup.ks.gov.ba>
e-mail: ministar@mup.ks.gov.ba
Tel: + 387 (0)33 286-701, 286-702,
Fax: + 387 (0)33 226-445
Sarajevo, La Benevolencije 16

